

詳校官助教 李巖

欽定四庫全書

普濟方卷二百六十九

符禁門

總論

明 周王朱橚 撰



夫上古移精變氣祝由而已黃帝官能有唾癰咒病之
任周官瘍醫掌祝藥副殺之齊以祝為治首迺知祝禁
之術治病良法仁政先務也夫血氣者人之神不可不

欽定四庫全書

普濟方

一

謹養養失其道不可不以至神治之觀易坎為血卦血為大赤則血氣流行精神潛運於其中故心藏神血舍神神能全則氣旺氣旺則血脈和通疾無自生逮其嗜欲汨昏思慮攻耗外邪襲虛而投隙精神氣血離守而交戰須臾之間變態有出齊人謂桓公之病公則自傷鬼鳥能傷公蓋言神仙受也於此不有至正之法以去邪雖藥石其如病何況言為心聲書為心盡以夫精神交感寓於符祝及聲書之間若微而至妙若粗而精甚

豈特神仙道家之陳迹也是以持受之道欲齋戒致一俾外物不得而蹈其舍然後役使鬼神呼召風雲其蹈火入水曾無焚溺則施諸治病為餘事苟為不然神不守徒區於聲音顏色且口道術在是猶象龍致雨蓋亦難矣然則同為符咒用之有應否者特在於正與不正之異耳今故載其術而冠以持受之法使學者得於聲畫之間而究其所以然者是乃神之微也 道經云法禁者故聖前師格範也清以鎮濁伏直樞偽以善去惡

以正祛邪上師真淨流慈而法咒神靈稟德宗凭氣整
天殃殄滅仰穹虔祝信士消百苦疼痠相念高真幽祚
息千端苦橫路丁步斗印手拏紋叩齒鳴鈴符丹呼吸
仗一吹真正氣併去邪雄憑兩辨信成香燭除困厄咒
巫法禁唯要精請誠悲聖慈真人恭可動

持禁總法 附論

夫上古有祝由之法移精變氣推其病由而祝之則病
無不愈今之書禁即其遺文焉制而用之存乎法推而

行之存乎誠示之以心畫則莫如符攻之以說禳則莫
如祝指掌之間執持有目則謂之印五者備矣舉而措
之施諸治法何道而不可哉語病之由當原其本氣何
由而平病何由而生真有所戲邪有所襲皆生諸疾祝
由之理祝此而已謂夫彼受於邪由精神不守所致故
在我者當專心誠意以持之欲致其誠先齋心戒事以
神明其德然後秉印用符兼以詛祝乃為持禁之道真
定以勝邪其應如神矣苟非其誠道不虛行傳不云乎

至誠如神其斯之謂與

法

持禁齋法

凡欲學禁先知五戒十善八忌四歸皆能脩治此者
萬神助禁法乃行

五戒者

一曰不殺 二曰不盜 三曰不淫 四曰不妄誣
五曰不飲酒嫉妬

十善者

一濟扶苦難 二行道見死人及鳥獸死者皆埋之
三欽重鬼神 四不行殺害起慈憫心 五不憐富
憎貧 六行平等 七不重責輕賤 八不食酒肉
五辛 九不淫聲色 調和心性不乍嗔乍喜

八忌者

一忌見死屍 二忌見斬血 三忌見產乳 四忌
見六畜產 五忌見喪孝哭泣 六忌抱小兒 七

忌共女人同床 八忌與離人論法

四歸者

一不得著穢污不淨潔衣服 二不得惡口咒詛罵
詈 三不得共人語詐道稱聖 四不得飲酒食肉
殺害無道違即神通不行

又云

不得穢處誦禁文 不得與不信人行禁 不得向
人說禁法 不得穢污手執禁文 不得與離人詛

戲 不得輕說神明 不得嗔罵六畜及人 不得
乘車馬有此滿三事則禁道行能不犯者其禁大驗
若履城邑污穢者應用此方

竹葉十兩 桃白皮四兩 柳白皮四兩

右三味以水一石二斗煮之一沸去滓浴身百穢消
除又辟瘟瘴瘡瘍若能常用此湯澡浴身益佳不可

洗目

紫微王夫人勅水洗目得清淨法

咒曰濁不穢形死不妨生摩掌誦目三遍令我長生
青龍在吾左白虎在吾右朱雀在吾前玄武在吾後神禁
勅水除塵垢急急如律令

解穢水禁曰

東流之水滑如苔中有主君與三台某甲穢污蕩除
急急如律令

受禁法

神仙經曰陽道強堅而易陰陽應言不言神明相聖

人閉口萬物可藏迴轉青白改易陰陽應言不言神
明相轉應語不語神明相與故萬法閉口藏身之禁
萬法流行五藏神明衆人遊戲而我獨住衆人浩浩
而我獨靜衆人言說而我獨嘿此行禁之道畢矣
仙經曰凡受禁之法當先齋戒百日精心不行淫慾
惟得清淨沐浴著鮮淨衣口常不出惡言罵詈精思
淨念勿生異想一如前章仍更七日之中閉口不共
人語乃可受之正月一日三月三日五月五日七月

七日九月九日三年之中三遍於此月受之並一心持齋戒不犯則行禁其驗如神

正月一日受法

正月一日平旦寅時清淨澡漱在無人清淨之處著鮮衣不得令一日轍見燒衆名香正向東禹步三匝勿迴轉長跪讀啟度文曰上啟三師神童玉女天醫太醫盧醫一諸一諸師太上老君諸仙神王日月五星二十八宿北斗二台諸神官屬諸大神王咸知弟

子某甲受持符禁之法願齋拔衆苦難難除毒消邪辟却奸惡萬事如勅急急如太上老君如律令都受禁文曰想東方木禁在吾禁中想南方火禁在吾心中想西方金禁在吾脾中想北方水禁在吾腎中想中央土禁在吾脾中想青龍右白虎朱雀後玄武天師禁駕無事不苦東王公西王母道吾禁有隨當止急急如太上老君律令說還誦所得禁文各三遍禮十二拜仍更七日勿共人作一言及惡罵詈等語七

日勿洗手面

三月三日受法

三月三日平旦寅時至東流水上正面向東立端心
正意讀前啟度文如正月法並啟江河四瀆水切水
官四海大龍王願知弟子某甲受持禁法願大神王
立契訖誦所得禁文各六遍禮九拜

五月五日受法

五月五日正中午時在靜處燒香正面向南立讀啟

度文訖誦所得禁文各三遍禮十二拜

七月七日受法

七月七日鷄鳴丑時在靜處燒香正面向西立讀啟
度文訖誦所得禁文各三遍禮七拜

九月九日受法

九月九日入定亥時在靜處正面向北立盆盛水口
御刀啟讀度文投香火長跪誦所得禁文各三遍禮
九拜此五日處法用一如正月法惟所向方及拜不

同耳

太白仙人受法

四月一日齋戒至八日立道場四垂垂幡蓋燒香燃燈啟醮五方五帝五方禁師五方吞精啖毒夜叉神王願知弟子某甲受持禁法咒訖誦所得禁文各三遍七日齋戒

同刀受禁法

候當初發時舉目看雷右手把刀以左手摩之咒曰

助我行禁帳聲如雷乳萬毒伏閉待雷聲盡訖七日齋戒不出言一本云候初雷時見所物隨便把取唱言聲如雷萬邪皆怖畏待雷聲盡乃棄之一云口御刀手捉大斧摩之言口如毒手如毒聲如雷吼云云

神仙王受禁法

候燕初來時仰頭看之以手按地云口如毒以鷲去不見乃止此等潔淨齋戒一如正月無別乃至七日

不洗手

天帝太乙受禁法

初受禁時在寂靜無人之處敷在設案燒香正南向
北方閉口並足正立左手持刀依式思存青龍在左
白虎在右朱雀在前玄武在後北斗七星覆頭上柄
指前列思東治大禁師願持兵萬石趙侯驃騎大將
軍蘇平南公八部將軍七十二禁師陳師趙師直符
小吏直日童子護直今日不得以左為右以前為後

若有到錯即依使者法律科罪之急急如律令如此
陰念三遍然後禹步三匝至香火前叩齒三遍咒曰
東方青龍御水來南方赤龍御水來西方白龍御水
來北方黑龍御水來中央黃龍御水來悉投杯中三
台三台此水非常水洗除天穢地穢三十六穢某甲
身穢淨除之急急如律令三遍咒訖以水洗目並噴
嚙四方上下餘水自飲之洗腹內令淨想又讀前啟
度文然後長跪誦所得禁文各三遍訖禮四方各再

拜即成神驗刀子水盆不得用曾經酒內五辛者
又一法

正月一日東方明星出洗浴在清淨無人之處白茅
為藉置坐設案燒香火鍾盛水井花水洗面目正面
東向並足立先舉左手呼青龍次舉右手呼白虎前
行呼朱雀後行呼玄武訖依前左持刀次第思神師
曰符禁同法更無別法也若欲受符印者以帛若袋
子盛柱著左手指勾之而擊水鍾閉氣禹步依法次

第咒請有效也

七星受咒法

正月一日 三月三日 五月五日 七月七日 九月九日

先以香湯洗浴取東流水以未經用瓦器盛之乃誦
所得禁文咒一道受人自洗浴於曠野無人之處以
淨草為坐以瓦器盛水七盞作七星形北向云謹啓
七聖真君弟子某乙願持禁法斷邪惡鬼毒之氣救
理人民伏願降真氣流布臣身令臣所行符禁應聲

除差手除愈次第飲前件水各少許餘洗手並不得
手稔不淨之物即有大驗

黃帝越禁受法

凡受符禁者皆清淨齋戒百日不得近死亡產乳房
室三年之中三度

正月一日 三月三日 五月五日 七月七日 九月九日

以上五日夜靜衆星之下置神坐設案燒香鍾盛水
持淋刀北面叩齒捻三師目次第神思訖禹步三匝

長跪讀啟度文又誦所得禁文三遍神驗水鍾不得
用曾盛酒肉五辛者臨欲越時朱書帛素上左手持
之捻目除陰誦咒之欲行禁時閉氣朱書白素紙上
右手持之捻目陰誦咒之

雜受禁法

正月一日未出寅時 三月三日辰時 五月五日

午時 七月七日申時 九月九日戌時 一云午時

正月受一年用 三月受一春用 五月受一夏用

七月受一秋用 九月受一冬用

右每年常依皆受之法不得飲酒食肉五辛芸臺乳酪酥蜜心懷憫念願救護一切生靈不作艱難不財物但作此心下口即差萬不失一受法用前月日先以清淨井花水沐浴上下衣服一切酥淨清齋七日至其日先以井花水澡浴漱口燒香禮五方五帝各五拜訖正面向東燒香端立淨器盛井水水置傍誦所得禁文各二七遍訖口含水仰嚙五方或取洗手

面訖向東方吸青氣想入口中七吸次向南方吸赤氣次向西方吸白氣次向北方吸黑氣次吸中央黃氣皆作七吸入腹想更五方禮各五拜訖後作兩月持齋戒得作禁想不得作一切諸惡行受訖即成禁法器物不得用曾經盛肉酒五辛者

凡欲勅水思神法

向月建王氣立先叩齒三下噓吸閉氣存思存目為日右目為月思東方甲乙木配肝為青龍次思南方

丙丁火心為朱雀次思西方庚辛金配肺為白虎次
思北方壬癸水配腎為玄武次思中央戊己土配脾
麒麟皆須向月建王氣思之在水中思得氣訖神童
王女在王右便思日氣在水中便三右營水三噓咒
曰水在井中為井水在椀中為椀水神師咒水為神
水水入腹中為直水水咽喉開大服下流傍脫交絕
衆邪滅萬病盡令出今月直符某甲齊水持符入其
身中治所患處今有效信急急如律令

服解穢符勅水洗萬穢咒

謹請污官諸神湔浣濁夫人解除百穢天下之穢地上之穢產
生之穢疾患之穢牢獄之穢死喪之穢葬送之穢道路之穢忻顏
下鼻口舌目耳門十指爪甲脛膝踝五臟六腑腸胃肝肺百萬
之穢皆隨水出云謹請勅藥厨六人海水二人佐水為洗撒撒千
污萬穢皆停速去身體清淨直氣補處急急如太上玄都律令
勅解穢水符咒

仙人沐浴氣芳芳洗蕩陰穢盡消亡急急如律令

普救方解穢符十一道













書 書

明明 君君

療瘡法

未發前抱大雄雞一隻著懷中時時警動令雞懷中作大聲無不愈

書瘡法

平昔日未出時閉氣書之先書額上作戴九天容書兩手心作把九江又書背上從右脾骨下向左分作兩行書之一如後法南山有一木木下不流水水中

閉氣當心書此兩字

干風

書上甚
差立驗

有一點三頭九尾不食五穀唯噉瘡鬼急急如律令
又書兩脚心下作履九江

又法

今所患人未發前正南北眠頭下南五心並額及舌
上七處閉氣鬼書字則差隨意任東西

又法

總書八行其下七行通而為八山題予山題予山題
予山題予山題予前計更有七行通前為八行此符

壓瘡鬼一去千里外急急如律令某年某月某州某
縣某鄉某里姓名牒姓名則所患人也右以手把手
勿開男左女右待過時久然後任開其符仍以燒却

咒瘡法

候病者發日日未出自執一石於水濱一氣咒云智
智團團行路非難捉取瘡鬼送與河官急急如律令
即投石沉於水中勿反顧而去

又書法瘡法

額上書兩金字重胷前書兩火字並背上書兩水字
並兩手書木字單兩足下各書土字臍下作四口字
重右含水閉氣用硃書未發前書之有驗

禁瘡病久不差

右用淨筆硯水墨焚香度筆書南無勇力戰鬥佛心
急急如律令

奉勅攝十五字於油餅麵餅上令信者病人喫或用淨
紙一張書十五字上用左棧麻綿結七箇紇搭擊紙

帶男左女右肩有病愈神佛前香火焚之慎勿棄于
地

治瘡法

破一大豆去皮書一片作日字一片則月字左手持
日右手持月吞之立愈向日服之勿令人知也

普濟方卷二百六十九

欽定四庫全書

普濟方卷二百七十

明 周王朱橚 撰

符禁門

法

獨勝丸 治鬼瘡

以桃仁一枚和皮尖雙仁者擘作兩片內書奉勅斬
鬼一片內書奉勅殺鬼字却合作一枚以線擊定五

更新汲水吞下

治瘡病方

日出始時東向日再拜畢正長跪向日叉手當閉氣以書墨注其管馬兩耳中各七注又丹書舌上言子日死畢復再拜還去勿顧安卧勿食過餐時斷即瘡

禁尸注法 附論

夫太素真人保命論曰胃中有三尺九蟲變為諸蟲約百數千分居胃中或大小腸間若能清淨恬淡胎根內

守則尸蟲自滅撓動貪競神氣外馳則尸蟲自熾滅則可登龐壽熾則自致夭傷是知尸注之病皆本之人尸蟲及邪氣感通流注而致也故靈寶方論合尸注為一疾方藥治法療固備載然血氣者人之神本正而不邪苟邪氣附著為病湯劑有不能獨效者則符咒妙術亦安可廢觀養生方謂諸濕食不見影食之使人或卒主豈非有所疑而邪棄之故然耶舉此則尸疾狀狀與夫九十注之候可一里而得

法

去三尸惡夢咒

九天上帝四門八虛七政二元三素九精大桃康上
 請三清告帝君攝命命寧速召七鬼狀實神庭若有
 不祥七星神兵但呼真虛流燭鍊形斬伐邪精二神
 和柔血尸流虛神歸絳宅觸向利清使我神仙長保
 劫齡急急如律令

朝暮長念
能去三尸

清三尸鍊七鬼法 並咒

太虛真人口訣曰以春乙卯日夏丙午日秋庚辰日
 冬壬子日冥卧時擣取硃砂須先明者雄黃水磨者
 雄黃三物以綿裹之如棗大臨卧時以塞兩耳中此
 消尸鍊七鬼之秘法也勿使他人知之明日日中以
 東流水沐浴畢易新衣於淨室中安床枕平卧向上
 閉氣握固良久而微咒曰天道有常改易故新上帝
 吉日沐浴為真三炁消尸朱黃安魂寶鍊七魄與我
 相新此道是消鍊尸穢之上法改真易刑之要設但

四時各取一日為之

拘三魄法

每月三日十三二十三日夜卧伸足叩齒三呼三魄

名虛爽胎光去枕伸兩足交手心上閉氣三息叩齒

三存心中赤如鷄子從內鍊三魄胎光安寧神保玉

身內外動徹覺身中小熟咒曰大微立宮中皇始清

內鍊三魄胎光安寧神保玉室與我但生不得妄動

鑒者太虛若欲飛行唯宿上清若有饑渴得飲過水

玉精

制七魄法

每月一日十五日晦日夜伸足以掌心掩兩耳令手

指接於項後閉氣七息叩齒七通心存鼻端白氣如

小豆須臾漸大灌身上下九重氣變或上咽內青龍

在中中白虎鼻孔中皆向朱雀在心向外口玄武在

兩足下兩王女在兩耳中著絲衣手抱火但在想心

魄不去矣

禁主法

吾從天南來至北食監三斛飲水萬千經江量海手
捉岳口含百毒心懷虫蛇唾地陷穿唾石碎裂唾火
滅烟唾鬼即死唾水竭淵東方之注自名醫入人體
中注心根神師咒注注滅門南方之注自名青入人
體中注百脉神師咒注即易西方之注自名搖入人
體中注春腰神師咒注注即消北方之注自名雌入
人體中注心脾神師咒注注即移中央之注自名雉

入人體中注十指神師咒注注死四方之注盡已七
惟我五臟永安強急急如律令

禁注出血法

三遍七遍急喫之東方之注自名羊入人體中注腸
神師咒注注即亡南方之注自名狗入人體中注心
口神師咒注注即走西方之注自名鷄入人體中注
心臍神師咒注注即迷北方之注自名魚入人體中
注六腑神師咒注注即無中央之注自名雉入人體

中注心裏神師咒注注自死謹告病人身中注注殃
若在心中及胃腸大或四肢並中央謹告四方諸關
節急送血殃三焦關元下部膀胱若有無不出
者亡速去百年毒神符欲居汝處急急如律令
又法

注父張注母楊注兄清注弟強注妹姬注妹姜知姓
名得汝宮商何不遠去注何所望前去封侯後出研
頭前出與嘗後出與杖汝今不去任何所望急急如

律令

又禁注法

東方青帝食青色之注南方赤帝食赤色之注西方
白帝食白色之注北方黑帝食黑色之注中央黃帝
食黃色之注五帝之神食十二注北斗七星食一百
二十注或食土公注或食土母注或食土子注或
食土婦注或食土孫注或食土孫婦注或食生人
注或食死人注或食飛遁注大注小注滅急急如

律令

又禁注注 二七遍

東方青注南方赤注西方白注北方黑注中央黃注
五方五注何不速去雷公霹靂欲居汝處吾唾山山
摧唾石石裂唾火火滅唾水水竭吾唾吾毒遂口消
滅急急如律令

咒注文

咄吾是太山之子今為太山所使口如天門不敢枉

張唾如毒藥氣如秋霜當吾頭者死但亡五注之鬼
不得留藏急急如律令

此咒當晨朝日出時遣病人淨洗手面向東方至心
禮太山訖更以水洗手至心合掌正西立師當在東
正病人面向西立以此咒之七遍便愈若不愈者明
晨更如是咒之不過三朝無不愈者

禁唾飛尸入腹急切痛法

請天上飛窮奇白虎眼如明星復如建鼓鼓齊切叩

齒主食惡鬼入食飛尸出食殃魅人生於天吞氣受道身刑之中非汝所處刑中五部各有所生肝為青龍肺為白虎心為朱雀腎為玄武脾為中府立御四方上有真人赤成童子下有或池青腰玉女各守部解不得留住方名道人教來汝治頭則法天身法北斗手為魁置口為金斧主援六甲直神轉汝何鬼不走何尸不走急急如律令

按摩卒中注忤魍魎法

配陰脉十二陽脉十五二十七脉隨手上下脉一通知汝有若男祥女客死不葬骸骨消散流離道傍驚恐馳走責人酒漿南山有一人窮竒不食五穀但食鬼皮朝食鬼父暮食鬼母食正欲壯復索鬼子急急如律令

治傳尸符一十二道前五符各有用法在下後七符並朱書淨白紙上丸之與病人吞平旦以井花水下兼於太乙所在日月出時當門燒之

此符
與病人
前帶
之

病人
左臂
上帶
之吉

病人
頭上
帶之
吉

病人
右臂
上帶
之吉

病人
臂上
帶之

飛

飛

風

風

治傳尸勞病等符三道庚申日以朱書之乳香湯吞下

凡書清淨身心燒香向西北閉氣書

符即之係通玄先生張虛白進

火火火
田田田

田田田
田田田

辟邪注伏尸符四道前一道用版書餘並朱書

太上治

靈

山山

靈

已上三符辟邪注伏尸並依古法朱書之前一道或用版書

符禁飛尸病燒灰入蛇皮麝香為尾三味各少許同研如粉用醋湯調服之然後書符四道搥作四個紙燭頭火燒令燃却吹滅用火燭頭急點腫上二七度後更入書前符貼之妙

禁瘡腫法 附論

夫內經曰榮氣不從逆於肉理乃生癰腫又曰諸痛瘍瘡皆屬於心蓋陽陽氣血榮衛內外一有不和而邪毒寒熱乘之則癰腫瘡瘍所以作也必曰皆屬於心以言心寂則痛微心躁則痛甚作止情態率本於心古之治此燥雪齋戒移精變氣為唾膿咒癰之術蓋以正心為本能正直心則邪毒可弭周官瘍醫於藥劑殺之齋必先以祝者如此者薛伯宗去公孫秦疾移癰柳上以能

用之道也

法

受禁腫法

古塚北桑本陰內有艾者五月五日平旦日未出時從塚北向南步取五十四步至艾作禹步北斗七星訖還閉氣將艾葉拭手使汁入手中七易洗手訖持齋過七日以成即成禁五十四步之中標記使分明一步七尺登取艾時面向西方咒曰願我此手一切

靡腫一切諸毒乃之一切病手著即差作法訖而還
勿反顧受特以五月四日作齋標記步數亦四日使
記先從艾東置魁因北向為尾向北十四步作標記
五日旦從北向南步之作法了齋至十一日止桑木
在塚北從地三尺於塚上生者住於四日日在塚東
宿五日旦即則法住禹步法閉氣握固若治病時作
想此手作熱鐵又想前人病如雲乎著病即散又治
病時常在病人生氣上若病人頭面上有浮腫不得

頓治使盡即傷人必當留少許明日更治神驗不傳
受禁腫都禁法

正月元日東方動時以淨蓆一領於寂靜無人之地
以井花水沐浴漱口三遍手時香炷禮五方五帝君
咒願曰弟子某甲今日受天神咒願救一切衆生若
四方各禮三拜訖想取東方青氣入口滿七咽南赤
氣西方白氣北方黑氣中央黃氣等各七咽訖向東
南閉氣誦咒各七遍七日持齋戒咒曰一天之所

圓地之所方受天神符可以長生二十八日其亭五色變化與符合算急急如律令次咒曰無根肉本生無留停大腫如山小腫如粟登高山臨海水旦起生向暮死急急如律令須紫檀櫛刀子以刀櫛按腫上真腫即痛用前禁又若不疼痛用此禁禁之然此三禁皆是禁腫文凡是惡腫用此二文其大腫日別五四禁度五日差小者當日差

大總禁法

咒曰朝日良為物所傷上告天公下告地皇地皇夫人教我禁瘡仙人持水玉女持漿一唾止毒二唾止瘡三唾以後平復如常天雷馬鳴瘡亦下驚天雷北動瘡亦不忍皮想連肉相當不疼不痛不動不膿急急如律令用法以刀子一枚先吸一口水捻鹽著口中和水喫病上若小兒驚恐當喫地上二三過駛唾病上以口附病上痛禁每一遍三唾每七遍一遍鹽水漱口三七遍成一禁也若不差多加遍數取差為

限若百遍不差者此病大重不可救也慎勿與

禁時氣病治

並禁金瘡虫傷

頭疼以刀搨隱痛處唾禁如前加有患疼痛處皆用
刀背隱而禁之若金瘡從高墮下六畜狼虎毒蛇所
傷手足攣臂凡百一切痛苦不如意者並用此法禁
咒之悉得除愈不可具在男女並得受持

禁瘡腫法

咒曰先奄腫上閉右目營之三匝然後唾之三乘車

四獄吏載癰神氣棄都市登高山臨海水呂河伯捕
癰鬼大腫如斗小腫如粟五唾一唾百腫屏迹唾如
二七某毒二出急急如律令

禁唾癰法

禁唾一遍一疫刀割

一二三四五六七

背除向陽吾晨朝行

女媧相逢教我唾癰從甲至乙癰疽速出從乙至丁
至癸癰疽不從生癸癰疽不從生丁至癸癰疽皆死
青癰赤癰白癰黑癰血疽肉疽兄弟八人吾皆知汝

姓名徒忍割汝汝須急急如律令

禁癰腫法

正面向東以手把按其邊三匝以墨點頭車重圍訖
然後急唾之即愈 日出東方乍赤乍黃牽牛織女
教我唾方若是癰應鉀碎若是瘰癧鉀碎若是癩癧
鉀滅若是腫應鉀壘不疼不痛速速去急急如律

令

又法

取東壁土三丸向井東置一九三咒曰赫赫洞洞日
出東方上有崑崙之山下有清冷泉某甲患某處上
有發癰土入井中天公當爛石癰當散七斗北星光
織女教我方唾汝急出不得留藏急急如律令又噓
三七遍置土井中三丸三禁三噓之地

禁五毒法

禁蛇亦可

吸東方青毒西方白毒北方黑毒中央黃毒天毒地
毒水火毒霧毒塵毒死生毒百毒之精知汝姓名天

毒上昇地毒下藏百毒止息五毒滅亡惡須出毒腦
破毒復出毒腸止不止不已拘汝牙折汝齒吸吡吡
急急如律令

禁腫法 三十遍

骨肉皮膚血氣空虛遠入江海急去無留大腫如山
小腫如粟一腫千腫滅急急如律令 滅亦作死

禁腫法

七重右迴一氣朱書皆以右手封之指七過周於五

指右手持禁如法咒曰封山山沒封石石爛封湖湖
決封火火上滅白東王父西王母教我神方白及封
汝大腫如山小腫如米封腫萬腫死急急如律令先
以手按之久令痛次以金刀按之四邊令散以氣七
呵令熱然後急氣七吹令冷陰陽氣定然後却唾之

禁天下腫法

別室中以木履相背令以繩擊定上安一扇一禁一打榻令沒以三七遍

東方青帝攝青精之毒南方赤帝攝赤精之毒西方
白帝攝白精之毒北方黑帝攝黑精之毒中央黃帝

攝黃精之毒五方毒氣並及五精內吾腸中天下最尊者莫大於五帝天下尊神者莫及於五精天下惡惡者莫過於五毒吾令五帝五精五毒與禁共居其聲如雷禁如風霜經口即死逢禁即也吾東方木木折南方火火滅西方金金缺北方水水竭中央土土裂吾上禁飛鳥落下禁井泉枯竭吾禁一腫百腫滅吾禁禁盤告開深澗熱天架推地柱折曉停光夜星滅冬變雨夏積雪冷腫熱腫速消滅急急如律令

禁水咒法

禁水咒曰天陽在上人陽在中陰陽在地水從下流唾腫消化急急如律令

太白仙人禁腫法

先向五方三噓三吹以刀約之以手握之訖然後三噀之禁曰日出東方雷起西方南蝦蟆白兔食月中心營月帶曰無所不通大腫如山小腫如珠吾唾一腫百腫自除急急如律令

又法

一二三四五六七百腫皆疾出急急如律令又法曰
出東方如垂鼓似白虎吾能唾腫散唾毒爛急急如
律令又法東方青帝禁駕赤毒西方白帝禁駕白毒
北方黑帝禁駕黑毒中央黃帝禁駕黃毒五有若口
唾十差十唾九差急急如律令

禁一切腫法

咒曰吾口如天雷唾山崩唾木折唾金缺唾水竭唾

火滅唾鬼殺唾腫消唾風滅池中大魚化為鱉雷起
西南不聞其音大腫如山小腫如氣浮遊如未吾唾
一腫百腫皆死急急如律令

禁一切腫法

咒曰生在水間石鹽一撮清水一斗故來治腫南山
石羊其角如芒左觚右觚觸風前角踏疽後脚臍癰
東海大鳥氣來食風左翼掠腫右翼引風不疼不痛
不壞不膿急急如律令

禁癰腫法

先叩牙齒三七遍急喫左營日即吹咒曰雷起池中
一聽其音月生東盛蟾蜍白兔食月中心榮衛不通
結成腫大腫如山小腫如粟唾咒一腫百腫散死急
急如律令

又法

日出東方赫赫煌煌威威容容天門亭長來捕癰腫
石多石海多龍天門亭長來捕摩得便斬殺莫間羅

一唾當心再唾都愈急急如律令

禁丁瘡法

一云初得之時逆以禁即除愈當三七遍唾之訖說
咒曰日出東方乍赤乍黃天上織女教我唾方丁公
丁母願出南方丁公死丁母亡北斗真氣能治丁瘡
吾口如天門不可枉張唾山摧唾石裂唾金缺唾火
滅唾水竭急急如律令

禁丁瘡法

水用一椀置棗木南令搏木以子一枚安椀上刀向木三指漫撮臨著刀及上長跪咒曰上啓伏奴將軍伏奴將軍能治丁瘡今是某年月日姓字某甲若干患某處生丁瘡或是浮溫丁或是麻子丁或是雄丁或是雌丁或是羊角丁或是蛇眼丁或是爛丁或是三十六丁或是驅失瘡或是水洗瘡或是刀鑷瘡三頭著體於不量清淨七寸棗木下之水伏藏急急如律令

禁丁瘡法

先閉氣三遍叩齒二十六通閉氣禁之三七遍即差東海大神三女郎瘡丁有神方以藥塗此瘡必使丁公死丁母亡丁男丁女自受殃星滅即愈大吉良過時去投逆此方急急如律令一云東海大神三女郎萬細米簸去糠三稱行捶灸丁瘡云云

禁風腫汝

三七遍

咒曰風毒腫聚骨肉皮膚膏血氣空虛故難留任遠入

江遠大腫如山小腫如錙銖速去咒唾一偏萬腫俱除急急如律令

療風腫及卒風腫蕪一切腫禁法

須用研米槌一枚遍咒一遍著槌柳按二十遍成禁咒曰無根肉本生無留停大腫如山小腫如粟登高山望海水晨朝起生向暮即死急急如律令

唾風腫法

咒曰日出東方翼皇皇五行九劫唾有神方東方青

氣唾青腫南方赤氣唾赤腫西方白氣唾白腫北方黑氣唾黑腫中央黃氣唾黃腫腫母腫公腫毒腫風吾盡殺之汝身某路毒齊毒過毒大毒赤毒水毒青毒白毒黑毒黃毒唾毒頭毒頭爛唾毒尾毒連二七唾每一吸一方之氣一嚥一唾一喫

禁風腫法

咒曰吾從壇來持將熟鹽一把冷水一盂吾有五毒並唾自居真珠唾殺飛鳥唾湖竭唾木枯東向唾唾

竭海向南唾唾火滅向西唾唾金缺向北唾唾峯析
向上唾唾雲散向下唾唾地裂汝從何來到此中國
北斗七星知汝姓名北斗七星知汝名字速去莫留
日出東方乍赤乍黃仙人玉女教我唾腫之方銅掌
鐵指摩汝腫死急急如律令

唾風腫法

咒曰日出東方鬱鬱陽陽上白天公下白地玉元女
教我腫神方何以急走還度南吾居居在梁山近惡

虜雖不由作盡食風何不忘還速度南方吾禁大腫
委吾禁小腫哀急急如律令

禁腫法

凡春初雷始發時以兩手指雷聲止後七日勿洗手
此後有一切腫及蝎螫惡注腫瘡摩之隨手即消

書腫方

天乙

甲乙不生

未

乙不成 壬癸死

右以丹書閉氣書腫上立差

治一切痛腫痛未破者可內消七聖符

膏餅

膏餅

膏餅

膏餅

膏餅

膏餅

膏餅

右虔誠焚香此符七道用米醋調寒食麵正貼從上一字半日易一字不過三字立消

金瘡禁法

咒曰吾被百煎療無一瘡一人挽弓萬人驚張一箭破於千陣此禁亦是難當急急如律令

又法

正月一日日未出時取四壁下土和酒并華水向東三拜云受神禁願大神如是四方各禮訖口含酒水

西方悉蠅至日中還復如此七日之中鮮潔齋戒不得惡言出口

禁金瘡即定法

先閉氣噓三遍呵七遍唾之曰日出東方惠惠皇皇上告天公下告地皇地皇夫人教我禁瘡五行步不良與刀相逢斷皮續皮斷肉斷筋續筋續肉斷骨續骨皮皮相著肉肉相當節筋相連骨骨相承今會百藥不如神師一唾止痛再唾愈瘡北斗七星教我禁

瘡南斗六星使瘡不疼不痛不風不膿北斗三台轉
星正來急急如律令

唾瘡法

日出東方育育陽陽上白天公下白地王有女教我
唾瘡皮皮相養肉肉相當今瘡不疼不痛不風不膿
連筋續骨肌生肉實急急如律令用王氣唾瘡良便
有神驗吉

禁血不止法

三七遍

日出東方乍赤乍黃南斗主瘡北斗主血一唾斷血
再唾愈瘡青衣恕土却血千里急急如律令

禁血斷血法

某甲不良某甲不慎為刀箭木石所傷上告天公下
告地皇地皇夫人教我禁瘡一唾止血再唾合瘡兩
皮相連兩骨相當新瘡莫故痛莫膿急急如律令

治食瘡血不止咒術

唾咒曰某今日不良為某所某所傷上告天皇地王

青血莫流渴血莫傷良藥畏之不如神師若唾二七
遍重誦咒曰

禁金瘡法

吾是天師之子為師之所使執天有綱地執有紀一
百二十禁咒吾以受之吾禁此瘡金血須止吾與天
地同體令瘡合急急急急如律令

唾百種瘡法

神師所唾口為雷門唾為霹靂雷公主陰霹靂主陽

殃賊結氣唾下消亡急急如律令

禁唾惡瘡毒法

先閉氣三通神師受告大道最良咒曰百藥之長不
如吾之膏唾吾仰天唾殺飛鳥唾南山之木木為之
折唾北山之石石為之裂唾北方之水水為之竭唾
百虫之毒毒自消滅唾百瘡之毒生肌斷血連筋續
骨肌生肉實扁鵲盧醫教我禁方三唾何瘡不愈何
毒不去天音神師今在汝處急急如律令

禁水洗瘡法

先左營目三周開目視瘡中閉氣一息欲止然後禁之無強無弱為謀所傷青血無流渴血無往一青一黃一柔一剛皮皮相值脉脉相當南方止血北方止瘡東流海水寒熱如湯朝令淹路暮令復故醫王扁鵲藥術有神還喪車起死人不膿不痛知道為真水為神急急如律令

禁漆看人法

三七遍

一云火故漆器當看漆急唾之赤非非漆賢丈夫看車移丙丁使者收攝之不得看人體不得看人皮急急如律令云妄移移漆賢丈夫看車盤以孟何由得看人皮膚保辜保辜收攝漆賢丈夫急急如律令此咒皆驗

又法

漆翼丹盈漆丹盈為兄漆為弟汝不漆柩以孟乃膚人饑刀未割汝斧來伐汝汝不疾去醎鹽苦醋唾殺

汝急急如律令

禁火燭瘡法

浮陽浮陽火燒東壁窮爛上付河伯還付壬癸火精
毒滅入地千里急急如律令

禁刀斧破傷金瘡止血疼痛法

咒曰山崩石裂河枯海竭太上老君律令奉勅攝念
法一遍令病人咳一聲望太陽取氣一口吹破傷瘡
處如此三遍效

禁百病法附論

夫百病諸邪皆非正氣上古有祝由專以移精變氣
為事蓋守正法邪之道也

法

天元八極洞陽大一咒曰

八極元精洞陽柴庭東西南北混合紫星清急急如

太上女明君勅令律

太玄君曰先誦此咒三遍乃調氣明景書符

豐

豐

豐

豐

豐

豐

豐

豐

子前昌亮

子前昌亮

子壽昌亮

子壽昌亮

子壽昌亮

子壽昌亮

已上十四符為十二月節

將統天神符凡百病書佩之

香妻之

夨

夨

夨

夨

夨

夨

夨

夨

已上九符為太皇七等大

篆凡百疾鬼魅書此佩之

禁諸痛法 附論

夫諸痛瘍瘡皆屬乎心是以後之微甚必本乎心之躁靜若心安則神定神定則邪不得干故痛而塞者為可通也

法

禁目痛法

日出東方赤紫如陽兒子目痛父母心傷吾口一唾眼見四方百藥干治不如五湯若唾唾汝汝眼毒消

亡急急如律令

又法

神師所唾唾目有方日出東方右陰左陽瞳子生肉瞻視無光無能誅罰不避獲湯唾目二遍還復故常大吉神師四岳靈方急急如律令

禁喉痺法

吸喉痺父喉母喉痺婦喉痺孫天生汝時緣上百草路誰使汝有人喉裏拘汝牙折汝齒破汝頭破汝脇

神不得動不得留停北斗知汝名吸吸急急如律令
又禁法

吸日出陽陽吸為喉痺腫毒所傷莫痛莫癱吸吸愈
愈急急如律令

禁牙齒法

用桃木板長一尺二寸正面南向閉氣書曰某刈某
縣卿男女某甲年若干患口中左右若干齒痛讀三
訖理三路頭若干蓋之勿反顧南山有一虫名赤松

不食五穀但食口中齒埋口汝三路頭寒汝用石子
埋汝着樹東千年方歲不得起急急如律令

又禁牙齒痛法

用一板杖長三握復取兩指元艾三姓炙杖頭桂牙
上咒曰登高山望海水中有一虫黃頭赤尾不食五
各專食牙齒吾欲治之握南指神炙三壯虫死急急
如律令

靈寶方禁心痛六符隨藥燒服

靈寶方禁心痛六符隨藥燒服

靈寶方禁心痛六符隨藥燒服

靈寶方禁心痛六符隨藥燒服

靈寶方禁心痛六符隨藥燒服

靈寶方禁心痛六符隨藥燒服

靈寶方禁心痛六符隨藥燒服

治無故勞瘦萎黃面色黑時赤

白心痛憎寒朱書此七符吞之

臨風

臨風

臨風

臨風

臨風

臨風

臨風

普濟方

普濟方卷二百七十

總校官候補知府臣葉佩蓀

校對官檢討臣張位

謄錄監生臣王春